

大方廣佛華嚴經隨疏演義鈔卷第五十三

唐清涼山大華嚴寺沙門澄觀述

疏論云一切所說下第二標舉顯通法之體
青三
狀目之爲相義別爲門又由此通入證智中故疏此言說解釋下第三彰其立意先舉論此顯下疏釋即賢首意爲顯一乘圓教法界緣起無盡圓融自在相即無礙容持乃至因

事之言論中但云謂陰界入等今疏加執取之言以釋論意意不令人隨事執取非陰界體不具六相故遠公云如陰等色非受想乃至非識如是一切以其別相無總相故不得將別對總說成之與壞故曰不具若就體性二陰等悉具六相如向泛就諸法中辨疏言六相者下第四列名略釋先須總識其相一總相者一含多德故二別相者多德非一故三同相者多義不相違故四異相者多義不相似故五成相者由此諸義緣起成故六

壞相者諸緣各住自性不移動故列名皆是論文此標下疏參釋之欲分主客先一時出論論云總者是根本入別者餘九入別依止本滿彼本故同相者入故異相者增相故成相者略說故壞相者廣說故如世界成壞餘一切十句隨義類知釋曰其中有疏可以意得疏九相漸增者疏釋如攝入是聞慧思義入是思慧後後勝前故以漸增爲不相似言攬九緣成一者成一入故言分一作九者九義不同總入隨之故無別一也然準遠公成

壞二門因上異相而有故言成是略者以彼異中聞思修等體不相應是故隨彼九入復成一入故名爲略壞是廣者以彼異中聞等九種義不同故總入隨之分以爲九故云廣也亦可總則攬別而成別則分總爲別同則別別帶總異則別別互乖成則雙攬同異方成若無異相總不成故如舍椽梁總皆相似終不成舍壞則唯別各住自性故此三對歷然不同疏又云如世界下論喻成壞從猶如下即疏釋論謂三輪四大等即成刹之緣起

攬爲婆婆故名爲成就一分爲百億四天下無別婆婆稱之爲壞非如世界二十劫成二十劫壞疏亦如梁等下第五以喻總釋即賢首意疏餘一切十句下第六舉例遍釋即論文也疏別章廣顯者即第七指廣在餘即賢首教義分齊彼唯三門一教興意二列名略釋三門答料據前之二門上已具竟今但明問答寄就一舍之上辨其六相例法可知問何等是總相答云舍是總相問此但椽等何者是舍答椽等即是舍獨能作舍故離即不

成若爾未有瓦等應即是舍若未有瓦等不是椽故以無瓦等對何說椽若諸緣共出少力共作不全作者有斷常過但諸少力不成一全舍故舍則斷也不成執有是無因常今去一椽即非全舍明椽全成椽即舍也由此金成便令此椽即瓦狀等以去於椽即舍便壞則瓦狀等亦皆壞故故此諸緣皆即是椽舍方善成一緣既爾餘緣亦然故緣起法不成則已成則圓融第二別相者椽等諸緣別於總故若不別者總義不成由無別時則無

總故是故即以總爲別也問若總即別應不成總答由即別故故得成總如緣即舍故名總相舍即是緣故名別相若別不即舍不是緣故若舍不即緣不是舍故若不相即總在別外即非總也別在總外即非別也問若不別者復有何過答有斷常過謂若無別即無緣等舍不成故無而執有無因常故下之四相各有斷常可以意得第三同相者緣等諸緣和合作舍不相違故皆名舍緣非作餘物故若不同者諸緣相背則不同作舍則不成

與總何別答總相唯望一舍同則諸緣互望成力義齊第四異相者緣等諸緣隨自形類相差別故問異應不同答由相各異長短等殊方爲舍緣同力成舍此與別何異別相諸緣別於一舍異則諸緣自互望第五成相者由此諸緣舍義得成故由成舍故緣等名緣不爾二俱不成問現見諸緣各住自性何因得成答由不作舍令方得成以若作舍失本緣故舍不得成今由不作諸緣現在故舍得成又若不作舍緣不名緣今既名緣明知

作舍第六壞相者緣等諸緣各住自法本不
作故若作舍者即失本法舍則不成由不作
故舍得成也又總即一舍別即諸緣同即互
三
不相違異則諸緣各別成則諸緣辦果壞則
各住自法乃爲頌曰一則是多爲總相多即
四
非一是別相多類自同成於異各體別異顯
於同一多緣起理妙成壞住自法恒不作唯
智境界非事識以此方便會一乘六相之義
略已終矣疏第二又令得下十句依利他行
疏文分二先總明句數開合言增數十者依

大智度論數法有二一小二大以十爲十數
狹名小少減名之爲狹數寬少增名寬名大
七八等名少減十一十二等名爲少增今據
大數名增數十以十二爲十故疏初句爲總
下正釋文先釋總句中依論有二解一就教
行解二教證相對解前中始於地法決定名
信信增名欲欲是信果故依欲趣法名爲親
近攝法在心故名憶念念法不失故說爲持
地法是其所持疏地地皆爾故云十地始終
者疏結釋經文非論文也十入約次位始終

約行修行位並舉如下經云復應於諸佛菩薩善知識所請問第二第三地等相及得果爲欲成就彼地法故等皆其例也明知地地之內皆有始終問何故自利云入利他云始終答自利以入證爲本故皆云入利他令知性相故有始終疏復有呵舍爲始下第二教證相對也疏中三初總次別後結示今初言阿舍者梵言此云淨教旣唯以證爲終而行非是證故前教始行終並名爲始故疏結云則前皆是教疏此教證義總有九重下第二

青三五別釋也疏猶下請中字義二藏者即下如來加請中義偈云佛子當承諸佛力開此法王最勝藏諸地廣智勝妙行以佛威神分別說論云歎此法藏有二種一義藏成就二字藏成就云何義藏諸地上妙行即今經勝妙行論云行者諸菩薩行所謂助道法故妙者真實智故上者神力勝故如是顯示深妙勝上故釋曰初是助道真實智即證道神力勝是不住道次論云云何字藏偈言分別智地義即今經諸地廣智及分別說謂十地差別相

故論云分別說者說十地差別故既以分別說爲字明是言教三道皆爲義藏明以行德爲證論以字義爲教證故疏二地前地上相對者遠公云二約位相對解行已前依教修行名爲阿舍初地已上離言合實說之爲證

疏如下請中歡衆以地前聞思修等爲教淨等者即解脫月歡衆堪聞請中文經云善淨深心此句爲總下九別云善潔思念善修諸行善集助道善能親近百千億佛成就無量功德善根此五別句爲教淨次云捨離癡惑

無有垢染深心信解於佛法中不隨他教名爲證淨釋曰以前五句屬地前故疏三真僞相對等者不與如合隨世而修名之爲僞契如爲真疏中先正釋後引證正釋中云即於地中聞思修慧報生識智緣照之解名曰阿含者此第三教證不對地前但就地上而論教證故云即於地中總有四法皆名爲教三慧及報生識智下請分中具明謂地上菩薩生來即有此智故云報生識智非約證如故

六皆屬教可宣示故真智出言故名爲證後下

論云下二引證即許說分齊中文而是義引故云聞思修慧是則可說若具引者即彼論釋經云智起佛境界非念離心道非蘊界處門智知意不及之偈論云此偈示現思慧及報生識智是則可說此智非彼境以不同故即其文也疏四修成相對者引證言義說二大者即許說分齊中全意謂如來大仙道等十二偈分之爲二初七偈義大後慈悲及願力下五偈說大說大中有證智故云真有加行後得緣世法故故云偽真偽合修義大中

唯明證智故云捨僞契真又準下文解脫月雙歎人法請中此是菩薩最初所行成就一切佛法故論云最初所行者依阿含行故成就一切佛法者謂是證智釋曰此明依修而證亦修成相對疏五相實相對等者其所引文即本分中彰地要勝內文經云此是菩薩摩訶薩向菩提最上道亦是清淨光明法門釋曰上句證下句教論云歎說者於中有二義一者爲說阿含二者爲證入義其論釋上句云增上勝妙法故疏云增上妙法論釋證

句云大勝妙法者諸法門中勝故清淨法者即法體也光明者此大乘法顯照一切餘法門故既云照餘法則得修相既云最上明契舉離相故彼下經自釋二句釋初阿含云所謂說菩薩諸地釋證句云佛子此處不可思議所謂諸菩薩隨證智明是相實相對疏六體德相對等者謂所成行體爲證成德爲教引鍊金喻者十地皆有鍊金之喻且初地云是菩薩隨所勤修供養諸佛教化衆生皆以修行清淨地法所有善根悉以迴向一切智

地轉轉明淨調柔成就隨意堪用佛子譬如金師善巧鍊金數數入火轉轉明淨調柔成就隨意堪用釋曰火即能鍊喻供養佛等金即所鍊喻信心慈悲捨等如世之金在鑛石中融治便出喻真地法與妄和合名曰衆生行人修行至初入地時出煩惱障今至地滿復更供養教化衆生如重入火熏發真心令生信等名爲修行清淨地法至二地時如重以礬石煮之方得清淨初地之時雖除慳垢微過猶在至二地時慳嫉破戒並皆遠離如

轉清淨至三地中修習淨禪令其不退如秤

兩不減四地集起菩提分法如為莊嚴具五
地之中以不住道方便起觀修治力故如碑
碑磨瑩轉更明淨六地以觀因緣不住巧智
修治力故如琉璃磨瑩光色轉盛七地中具

修一切菩提分法益更精妙如以衆妙寶間
錯莊嚴轉更增勝倍益光明八地之中無功
用修如持金寶冠置閣浮提主聖三頂上一
切羣臣諸莊嚴具無與等者九地菩薩智自
在修如善巧金師用作寶冠轉輪聖王以嚴

其首四天下內一切小王及諸臣民諸莊嚴
具無與等者十地菩薩業自在修譬如金師
以上妙金作莊嚴具大摩尼寶鉢廁其間自
在天王身自服戴其餘人天莊嚴之具所不
能及釋曰十地皆具金喻意皆以金喻證顯
本性故成信等德以爲教道是修成故然云
金與鉢等者此經無鉢之文即嚴身具是疏
七體用相對等者引文云下珠放光光喻於
教珠體喻證者即第四地調柔果中云如摩
尼寶清淨光輪能放光明非諸餘寶之所能

及風雨等緣悉不能壞論云摩尼寶生光喻者彼證智法明摩尼寶中放阿舍光明入無量法門智處普照示現以是義故此地釋名爲談地即其事也疏八自分勝進相對等者引文云下歎金剛藏二力妙智及辯名爲證卷三
九力堅念教法爲阿舍者即大衆請中經云上妙無垢智無邊分別辯宣暢深美言第一義相應念持清淨行謂前四句歎證念持清淨行歎教論云初偈歎證力辯才成就第二偈上句歎阿舍力辯才成就以證力阿舍力故

能有所說是故讚歎是也疏九約詮就實相對等者下引論云字身住處證智所攝非無地智名句字身者即下示說分齊中鳥跡喻也經云如空中鳥跡難說難可示如是十地義心意不能了論云此偈是何義如鳥行空中跡處不可說相亦不可見何以故虛空處鳥跡相不可分別故非無虛空行跡如是鳥跡住處名句字身住處菩薩地智所攝不可得說不可得見不可得聞何以故非如聲性故非無地智名句字身此中深故示義大踴

悅釋曰空處之跡喻教跡處之空喻證也然上九重教證前五前教後證後四前證後教又前五教則後後漸寬證則後後漸狹後四中證則後後漸寬教則後後漸狹疏今當第四者第三結示兼遮妨難恐有嫌繁故以論

文但云復有阿含及證如是次第依初相應知謂令以阿含爲始以證爲終故云如是次第依前始終前始後終云依初相應知何用廣明疏意恐人教證既多對文生疑故總併說豈得爲繁疏次依根本始終有十始終下

釋別句義疏文有四一標指二總科三料揀四正釋文今初謂菩薩利他行該法界隨宜列十耳二前三地前下總科可知三此狹前入下料揀言故此略無者明有亦無妨若出所以此中利他略自所聞疏一攝始終下四釋文於中初一句標名二牒經三謂以下釋義此取意釋若具論云思慧智隨所聞義受持說故謂如經如實說菩薩十地差別方便故論經加方便之言謂善巧集成十地之相今經即差別中收然論受持即釋標中攝義

音三

十

故疏云攝持所聞即自攝也此上釋論稱思宣說下以論釋經若不稱思非如實說故論云思慧智說如實說者即是攝他前入即以說爲修此則以說爲思亦是影略以前說後無修故以說爲修此中說後有修故以說爲思疏二欲始終緣念佛法下以論釋經論具云令證一切佛法故今謂經明緣念非是自念欲令物證所念法故論云欲言上品求心者有二義故一令物證二唯緣佛法故疏三行始終論釋云觀分時中無漏道品分別修

覺相故論中修字釋標名行字依念進修名行行即此經修習故疏先解修習之言疏言分別無漏法下牒經解釋即明地前菩薩於地上法而起觀修但是意識名言分別次以未證下釋論觀分之時即加行位然觀分言論釋彼經觀字以論經云觀達分別無漏法故後帶相已下釋經分別字謂帶如相故論名修覺相也即唯識云現前立少物謂是唯識性以有所得故非實住唯識彼論釋四加行云皆帶相故未能證實故說菩薩此四位

中猶於現前安立少物謂是唯識真勝義性以彼空有相未除故帶相觀心有所得故非實安住真唯識性彼相滅已方實安住彼疏釋云心上變如名爲少物此非無相故名帶相若證真時彼相便滅者即是空所執相有依他相名空有相位謂有空相是彼唯識真勝義性由有此相未證真理滅空有相方證真故彼論結云依如是義故有頌言菩薩於定位觀影唯是心義相既滅除審觀唯自相如是住内心知所取非有次能取亦無後觸

無所得釋曰此則結四加行謂初二句緩位次二句頂位次二句中下忍次一句即上忍位合上三句爲世第一末句見位也疏四證始終具足論云四證始終見道時中法無我智方便故如經善決擇大智慧光明方便故是中善決擇者擇中最勝最勝者法無我智故大智慧者過小乘故光明者對治無明故此事中彼時中皆善知故釋曰此中論有三節初略釋次引經帖後是中下隨難牒釋今疏摘論銷經義無遺矣然經中巧莊嚴字是

相見道上皆真見道疏乃當中先釋大智此
二見道即唯識第九今欲釋疏須知根源先
當具引彼論論中先總釋偈意已如上證入
中已具引文今但引二見道即彼次論云然
青三
此見道略有二種一真見道謂即所說無分
十二
別智實證二空所顯真現實斷二障分別隨
眠雖多刹帝利那事方究竟而相等故總名一心
釋曰言雖多刹帝利那者此一心見道以無間解
脫并一切勝進故中間有多刹帝利那論云有義
此中二空二障漸證漸斷以有淺深麤細異

故有義此中二空二障頓證頓斷由意樂力
有堪能故釋曰加行意樂欲俱斷故論曰二
相見道此復有二一觀非安立諦有三品心
一內遣有情假緣智能除輕品分別隨眠二
內遣諸法假緣智能除中品分別隨眠三遍
遣一切有情諸法假緣智能除一切分別隨
眠前二名法智各別緣故第三名類智總合
緣故彼疏云即三心見道釋曰非安立者即
真如也內謂內身假者談其無體先計有情
皆妄所計但有内心似有情現今能遣之緣

智者謂能緣心中即緣內身爲境遣有情假
緣之智然此中人法二障各分上下麤者爲
上細者爲下合爲四類然二麤者各別除之
以智猶弱未雙斷故若上品智方能雙斷此
即隨智說爲輕等者下也初智名輕次智名
中勝前劣後起名上能斷見惑此智最上
然初二智未能殊勝別緣内外身除我法假
第三心時其智上品廣緣内外若我若法故
三別也言類智者前智類故論云法真見道
二空見分自所斷障無間解脫總別建立名
青三十三

相見道法者倣學爲義真見道中雖有二空
自證分而見分親緣真如所以法之然見分
中有無間解脫隨自所斷障雖有四見分無
間道中斷惑別故人法二見分各別法之立
初二心解脫道中證理同故人法二見總以
法之有第三心故論云總別建立名相見道
論云有義此三即是真見道攝以相見道緣
四諦故有義此三是相見道以真見道不別
緣故釋曰論以後義爲正故疏但云相見道
有二論云二緣安立諦有十六心等前迴向

品十六智寶處已引但觀上所引論文疏文
易了然疏中有二先標位云即見道位通二
見道次大智下牒經以釋當中牒釋者大智
即是二見道依依真見道以立相故故先明
真言即真見道者辨位言根本法無我智者
出體也謂即所說無分別智然唯識論實證
二空今文爲簡勝二乘故標法無我言治無
明者根本智用正破迷理無明疏此智親證
真如下釋善選擇大光明言而善字兩用善
觀察者實證如故即上唯識實證二空所顯

真如從平等平等下即前論文正釋論偈無
得之言以能證所證俱離二取故有二平等
言離二取相即平等義若有二取非善觀故
疏實斷二障下即全用唯識論文用釋善選
擇語二障即煩惱所知前入就根本能生故
青三云二我今通就能生所生故云二障其分別
十四隨眠已如前釋疏即相見道下釋相見道中
文分三初正就相見以釋莊嚴二雙就二智
以釋莊嚴三釋本論初中即相見道者辨位
也是後得智者出體也故論名方便者以論

證成是後得義方便即巧者以論會經疏法真見道種種建立者釋莊嚴義具如上引謂三心十六心故云種種建立疏又莊嚴下第二雙就二智以釋莊嚴不同前義但用後得言由得此二善達法界者法界有事理二智別能了之亦以無礙二智了事理無礙法界等也疏於多百門等者謂於一念頃得百三昧得見百佛知百佛神力能動百世界能過百佛世界能照百佛世界能教化百世界衆生能住壽百劫能知前後際各百劫事能入

百法門能示現百身一一身現百菩薩以爲眷屬等故云於多百門皆由二智得自在也疏論云此事中下第三釋本論然古有三釋一云此事中即真見道彼時中即前觀分之時二云此事中同前彼時中即後修道位中亦須善了如下發趣果中須知二地乃至佛果等三云此事即後得相見道中彼時中即是根本智真見道皆須善知今以後義稍正故依傍之而皆屬相見道並是後得故異昔解以法真見道觀彼正證亦後得故疏相望

前真故名爲彼者則相爲此也疏五修道始終等者修道之義已見入中疏論云出世間智智力者出世間智即根本智重言智者即後得智從以後得下疏釋可知疏上寄從二地至七地者以功用行滿二僧祇滿爲一類

故初地二見道後即是修道且約地分見屬初地故從二說疏寄入八地至於佛地者然論但云此處菩薩於菩提有五障不配地位配即遠公之意而彼不立等覺即佛地之中治於二障又彼云寄在八地至於佛地則最

後句以爲佛位便乖後無佛盡之言故疏云寄入八地等則正在等覺斷第五障當入佛地故未有佛盡然疏文有二先寄位釋後約通相釋以此五障地前即容對治故地地用之由上已配七地故依遠公先配八地尸上

然此五障亦虛亦實謂有此障者不得五種功德名爲實障已登地者實無此障假立顯得名之爲虛五中前二是其解障次二行障後一用障今初解障疏不能破邪論障即是所治者乖理之言名曰邪論不堪以正摧邪

稱曰不能此一段具有瑜伽十五釋因明中論有七例頌云論體論處所論據論莊嚴論負論出離論多所作法第一論體有六一言論二尚論三諍論四毀謗論五順正論六教道論一言論者謂一切言說言音言辭是名言論二尚論者謂諸世間隨所應聞所有言論下取意略引三諍論謂或依諸欲所起自他所攝諸欲更相侵奪等云或因惡行所起自身惡行他相譏毀等云或依諸見所起云四毀謗論者謂懷憤發者以染汙心振發威

勢更相擯毀所有言論云五順正論者謂於善說法律中爲諸有情宣說正法云隨順正行隨順解故六教道論者謂教修習增上心學增上慧學增上戒學等云最後二論是真實能引義利所應修習中間二論能引無義故應遠離初之二論應分別之第二論處所論有六一於王家二於執理家三於大衆中四於賢哲前五於解法義沙門婆羅門前六於樂法義者前第三論所據者據即依義所依有十謂所成立義有二一自性二差別自性

謂有立爲有無立爲無差別謂有常無常等能成立法有八一立宗二辨因三引喻四同類五異類六現量七比量八正教云同類謂隨所立法望餘展轉少分相似云異類望餘少分不相似現量有三一非不現見二非已思應思三非錯亂境云此下取意釋謂初如眼見等二如良醫授藥色香味足有大勢力纔取便成取所依止病若未愈名爲應思其病若愈名爲已思亦如瑜伽師作地水火等觀建立境界取之所依三非錯亂者謂想亂

數亂等云上總謂有世間現量有出世間現量謂出世智所行境七比量者謂與思擇俱已思應思所有境界此復有五一相比量如見煙比知有火等云二體比量謂現見彼自體性比類彼物不現見體如以現比過未等又如飲食衣服等現見一分得失之相比知一切等云三業比量謂以作用比業所依如見遠物無有動搖鳥居其上比知杌等唯聞哮吼比知師子等云四法比量謂以相隣相屬之法比餘相隣相屬之法如屬無常比知

有苦以屬苦故比空無我云五因果比量謂以因果展轉相比如見有行比至餘方見至餘方比先有行見善作業比知當有大富等云八正教量者一切智所說言教此復三種一不違聖言二能治雜染三不違法相云已

說論據第四論莊嚴者略有五種一善自他宗二語具圓滿三無畏四敷肅五應供語具圓滿謂凡有所說皆以其聲不以非聲聲者具五德一不鄙陋二不輕易三雄朗四相應五義善相應者謂前後法義相符云無畏可

知敷肅者謂如有一人待時方說而不囁速是名敷肅應供者謂如有一人爲性調善不惱於他乃至言詞柔軟如對善友云第五論墮負者謂有三種一捨言二言屈三言過捨言者取意謂辭謝對論者言我不善論等二言屈者爲對論者之所屈伏或託餘事方便而退或引外言或現憤發或默然等云言過者謂雜亂麤獷不辯了無限量非義相應不以時不決定不顯了不相續等云第六論出離者先應以彼三種觀察論端方興言論或

不與論名論出離謂一觀察得失二觀察時衆三觀察善巧及不善巧觀得失者謂我立論無自損損他俱損等耶云觀時衆有僻執耶有正見耶等觀善巧不善巧者謂自觀我於論處論據等爲善不善等云第七論多所作法有三種一善自他宗二勇猛無畏三辯才無竭由有此三能善酬答故名多所作法耳釋曰上所引瑜伽略其大綱廣說如彼但觀所引論文疏文居然易了今更略釋一隨所住處等者即善於他宗下次第顯說養善

自宗然經云隨所住處亦兼論處所而文正在執著之處故次便云次第顯說等疏以宗因喻現比教量顯已正義隨病治之上皆論所據者顯已正義即所據中所成二義自性差別此二即是已宗能成八中文但有六關同類異類以此二但約所立與餘有少同異故是喻及宗中攝之言隨病治之者以所執非一故疏辯才即論體者流於聽表曰辯巧應物心曰才即是言論宣說教道順正理故疏亦論莊嚴者標下出莊嚴莊嚴有五無

畏一種前句已有善自他宗後所作法中兼明此但有三一語具圓滿二順言者即是應供謂不惱於他言辭柔軟故曰順言三敦肅可知疏又上皆論多所作法者此標謂總收上二門二句以成所作法一善自下列言配文可知者下二可知善自他宗即隨所著處即善他宗次第顯說即善自宗疏謂善觀察得失等者等取餘二謂時衆及善巧不善巧從由具上諸義下即仍前五例釋不墮負謂有體有據有嚴有作既出離有能何得墮負

疏由破此障得入八地者謂七地中猶有此陪不入八地破故得入下四句例然疏上明能破此顯能立者總釋意也因明論云能立與能破及似唯悟他現量與比量及似唯自悟此之一偈總有八義一真能立二似能立三真能破四似能破五真現量六似現量七真比量八似比量今此辨於利他故但明能立破而菩薩離過但有真能立破無似能立破疏又上五障下二重收總釋不要對他則令諸菩薩皆離此五則得菩提疏第六正顯

三真能破四似能破五真現量六似現量七真比量八似比量今此辨於利他故但明能立破而菩薩離過但有真能立破無似能立破疏又上五障下二重收總釋不要對他則令諸菩薩皆離此五則得菩提疏第六正顯

加相等者疏文有三一引論生起何故加結
前云何加生後言云何者謂加相云何二加
相有三下辨加相言約別說者謂以身加身
以口加口等言如實說者能加則局者謂能
加隨舉一業即加所加三業故三承前語便
畫
下辨加次第於中二先辨諸佛加次第可知
後若約舍那下辨本師次第意加即承佛神
力入菩薩大智慧光明三昧次身光照觸等
者即下如來加請文中放眉間光照十方竟
云又照十方一切世界一切諸佛所加說法

菩薩金剛藏之身是後雲臺下口加者時光
臺中以諸佛威神力故而說頌言佛無等等
如虛空十力無量勝功德人間最勝世中上
釋師子法加於彼是也言令演者彼次偈云
佛子當承諸佛力開此法王最勝藏諸地廣
智勝妙行以佛威神分別說即其文也謂即
先須冥加次放光成臺後方得臺中勸說云
亦義次第疏總中令以樂說辯等者謂以樂
說爲能說說十地之法義故經云辯說說必
有詞其所說中名相差別即是法義論以名

相釋於差別亦可在口爲辯辯通四辨也不
違已下釋善巧字疏自他因緣方有說故者
自力爲因他力爲緣故疏攝此九力此句總
標二以因中有四下總出四淨所以言因中
有四義者據非約緣但就自力因中耳亦如
音三

二十
泛舉因緣生法中有其四義如穀子爲因水
土爲緣能生於芽但就穀子即有四義一緣
不生自因生故即穀子是有力義二因不生
自緣生故即穀子上有無力義要具有力無
力方能生芽即第三義總攝上三即穀子之

德是第四義一有力能作故有有作善法淨
二無力不能作故有無作法淨三具二能引
生故有教化衆生淨四泯攝前三稱理成德
故有第四身淨泯謂泯絕以三不相離互相
即故便互泯奪攝者三不相離舉一全收具
泯奪義故稱理成德又上四義前三行圓後

一行滿前三之中前二自利後一利他自利
二中依體相分故有有作無作然其別義正
在前二此二並以真心爲體以真心中有於
三大順體相大故有無作法淨順用大故有

有作善法淨言有作者即是教行教行本無順性德用而修起故名爲有作有作順理故名爲善善之自體故名爲法法出垢染自之爲淨言無作者即是證行性出自古不由緣造故名無作此無作體更不順他不立善言

若約性善亦可名善論依前義故無善字法淨二義不異前釋然其純真不生單妄不成真妄和合方有所作無明內熏惡友外引諸惡行皆真流轉真如內熏善友外引造諸善行反本還源順真名善順真爲善即無妄

可治不成善故由順性無慳貪故隨順修行檀波羅蜜則反慳貪成於檀度之善餘可例知然此二淨若在凡時但可有性名作無作不得名淨然無作體古今常湛體無增減約就於緣有隱有顯有始有終說因說果有作青三法體本無其體但可依生方名有作如樹有芽等乳有酪等非是事有然雖修生若無有性修不可生故作無作皆名有性此二入住有作名爲習種性攝無作名爲性種性攝若就解行有作名方便淨無作名體性淨今就

聖位有作名教行無作名證行若至果位有作名方便淨菩提涅槃及報身佛無作名爲性淨菩提涅槃及法身佛此二無礙今明剛藏內順德用萬行爰增云有作淨心冥性德思慮斯寂有無作淨大意如是次正釋文疏一淨自善下釋此一淨文有四節初句牒經二有作善法淨依論立名三此約證行出其行體四亦約體故名爲無作依體釋名由約體故無有修作但出妄染故得稱淨如拂雲霧顯出晴空故此但約顯體名淨不同前門對治名淨五依此性相下雙結上二先結二

淨性即體證三相即相教後上二皆自利者結上自利生下第三利他故也疏餘六句經下釋第四淨疏文有三第一標名約體無垢故名身淨第二攝爲三種盡下依論開義於中亦三初句標望論是開爲三望經六句六攝淨法界故者釋此一淨文有五段一初句牒

爲三二皆顯二利滿故成德者總顯三盡但
滿上三句二利故下三盡中皆有二利三成
德有二下出三所以言後二盡者一對下彰
出有二乘不同盡二對上彰入故有佛盡故
此三盡約人爲三一自約菩薩二出二乘三

上同佛疏初菩薩盡者下第三隨文解釋於
中初句標名具足論云一菩薩盡有二種利
益疏初句位滿是一益即顯後二句成益爲
二今初即經深入法身智身故從謂十地下
疏釋今疏先以起信意釋後用本論今初即

釋本覺中隨染本覺之文論云復次本覺隨
染分別生二種相與彼本覺不相捨離云何
爲二一者智淨相一者不思議業相智淨相
者謂依法力熏習如實修行滿足方便故破
和合識相滅相續心相顯現法身智純淨故

今正用此智淨相言智淨相者即本覺隨染
還淨之相不思議業相者明還淨本覺業用
之相此之二門若離染緣則不能得成故云
隨染此智淨中論文先明因法力熏習此是
地前非今所用如實修行此當地上十地行

終故云滿足方便此在金剛因位之極今疏取意故云謂十地勝進從破和合識下辨果也謂本以不生不滅與生滅和合名阿賴耶識今破和合識由滅生滅之相顯其不生不滅之性此根本無明盡故心無所合即顯法身本覺義也即於此時能染心中滅業相等相續之相不滅心體故令本覺還源成淳淨圓智以相續心體即本覺故今疏不引智淳淨者智淳淨言意在下疏疏從非心意識下是本論意論具云菩薩盡者法身離心意識

青三
二十四
唯智依止如經法身智身故今疏言非心意識之所能得即取論意反成法身了心體離念不可得故說名法身故慮知集起思量分別安能得耶從如智所依下釋智身體此一句向上順成法身法身唯爲智依故非心等能得二向下成智身即依法身之智即是智身始覺義也然此始覺無別始覺即是本覺隨染而作今染緣既息始還同本故云淳淨即法報一體故經云唯如如及如如智獨存名爲法身故次下論云若無明滅相續即滅

智性不滅明知智身全同法性如金成像像
不離金從能所證義分二身耳疏菩薩照寂
故云深入者此以瓔珞經釋深入義彼經云
青三
等覺照寂妙覺寂照今是菩薩故云照寂則
等覺已還未爲深入疏後二句成益等者此

句總標一成現報纔證十地得離垢三昧末
後有一三昧名受一切智勝職此三昧現在
前時有大寶蓮華忽然出現身坐其上十方
諸佛現身灌頂名爲受位故是現報廣如第
十地說然泛明受位略有三種一唯就相如

彌勒等示居長子已窮聖位授記當來次補
佛處二就相顯實如迴向所引名爲得位
三唯就實十地行滿衆累永寂法身之相顯
自心源名爲得位雖有三義今取第二故云
現報疏二成後報益疏有三節初句標名二
十地攝報下取論意釋經三正引論釋二中
然十地各有攝報之果初地多作闍浮提王
二地輪王乃至十地爲自在天王今是第
十言色形中極者俱舍云欲天俱盧舍四分
一一增色天瑜繕那初四增半半此上增倍

倍唯無雲減三謂色界十七天初之四天各半瑜繕那至於第四方二由旬此上增倍倍謂第五有四第六有八七有十六八有三十二九有六十四第十合有一百二十八十即無雲欲成上都數故減於三有一百二十五則第十一有二百五十十二五百十三一千十四二千十五四千十六八千十七一萬六千故至十七即色究竟身高一萬六千由旬故云高大言居有頂者唯是色界之頂無色無處故此便爲三有之頂疏二約三乘下上

就攝報王身爲大今約成佛報身爲大然云約三乘者以一乘中唯說攝報多作此王亦不必作而其實成妙覺不局於處不定於天於闍浮提成亦成真佛故指三乘而三乘意亦就攝報身爲彼王於彼成佛即周法界學人便謂報身之佛在色究竟則令報身報土皆成局劣故指三乘便爲不周法界疏論云下三引論釋從智處二義即疏釋論二義亦順上高大二義一即就攝報之身智便自在故賢首品云摩醯首羅智自在大海龍王降

青三

二十六

雨時悉能分別數其滴於一念中皆辯了即其文也然此天何以爲智處耶以下天定少四空定多以四禪中定慧均等色界中極故又約二乘之人多以無漏之智熏習禪定故疏二攝報智滿成種智故者此有二意一約未成佛但是十地攝報居彼智度已圓故云攝報智滿二就彼天上得成菩提具足種智名爲智處然論成佛通說有三一寄化顯實在闍浮提即周法界二寄報顯實在色究竟成便遍法界三就實顯實妙出三世不可定

其時處身相今就中義疏二寄對顯勝下釋後二盡此句總標一對下彰出下釋第二盡也疏以二乘雖度五道下疏釋上論涅槃道淨言三餘者一無明住地惑爲煩惱餘二無漏有分別業爲業餘三變易生死爲苦餘故有三餘涅槃非淨即佛性論文故法華云是人於何而得解脫但離虛妄名爲解脫其實未得一切解脫佛說是人未實滅度斯人未得無上道故等第一疏中已廣分別今則金剛藏已出三餘故涅槃道淨經言出世善根

者根者即無貪等既盡所知超度變易滿善薩行諸度皆圓常樂我淨三德皆圓處而不住故涅槃道淨問此句不同二乘義則可爾

上句度於五道則不同凡夫何名不同二乘有人答云但約超勝略無凡夫此義不然今

謂凡夫此不足論今明正度五道有濫小乘故淨涅槃顯不同彼故合二句方成此盡又二句皆濫二乘今皆不同由淨善根故不住涅槃由度五道故不生生死合二無住故不
同二乘度於五道入涅槃矣

大方廣佛華嚴經隨疏演義鈔卷第五十三

音釋

攬	魯敢切	攬	也	狹	也	攢	取也	鑛	古猛切	鑛	同金	鑛	猛切	鑛	與	礦	符索切	礦	藥名	礦	也	分齊	分扶問切	齊才	詣	狹	胡也
杌	華開飾以木	杌	也	鉢	同金	鉢	同金	鉢	同金	鉢	同金	鉢	同金	鉢	同金	鉢	同金	鉢	同金	鉢	同金	鉢	同金	鉢	同金	鉢	
也	忽切	也	也	也	也	也	也	也	也	也	也	也	也	也	也	也	也	也	也	也	也	也	也	也	也	也	
也	五	也	也	也	也	也	也	也	也	也	也	也	也	也	也	也	也	也	也	也	也	也	也	也	也	也	
木	忽切	木	木	木	木	木	木	木	木	木	木	木	木	木	木	木	木	木	木	木	木	木	木	木	木	木	